

公字明印諱普徹，乃宏宜國師之後胤也。公俗籍湖南湘陰周氏子，家貧，父早卒，母朱氏苦節撫孤，以迄成立學匠篋工以養母。公有宿慧，十餘歲時即蓄出塵之志，但念母恩未報不忍遠離。光緒二年，丙子，公齡三十有六，慈母棄養，遂投衡陽大羅漢寺依臨濟下第三十八世不窺法師祝染，旋受具足戒，靜習止觀不隨境轉。嗣朝拜四大名山及雲南鷄足山，遍參海內善知識，住揚州高旻寺六年矢志參究，匿光潛影人罕知者，後於休沐日與諸禪友經行江濱，見一持珠念佛之僧遇一居士問曰：「大德念甚麼？」曰：「念佛。」又問：「佛念甚麼？」僧不能對！又問：「大德有心念？無心念？若有心念則心念不正，若無心念即落無記，如何成念？若能念而無念，無念而念，斯為實相念佛入佛知見。」公因問曰：「居士高姓？」曰：「姓黎。」又問：「父母未生以前姓甚麼？」如是愕然不能對！即頂禮謝曰：「公，真善知識也。」逾數日黎居士奉白米廿碩詣寺，公辭之，轉交常住供衆。嗣常住舉公要職，遂辭歸湖南瀉山密印寺，屏絕萬緣，單提一念，二六時中倍加精進，專參個未生前的本來面目公案，小悟十餘次！一夕禮佛次，因踰拜欄跌倒地上，全身飛汗如雨，良久，公自覺有冷水從頂門灌入，身心清涼，留礙頓空，及醒，因然大徹，悟無生忍，執筆就書曰：「獨闢大方如古鏡，本自無門解脫門，吾家寶藏如來藏，一月三身末句親。」

明 印 老 禪 師 事 略

公，原出身工匠不識之無，由是博通經教善說法要。光緒廿六年庚子，公移錫長沙白沙街，就落氣亭址結縛茅庵以居之。（落氣亭者，實清季全城乞丐死亡旅殯之所，兩陰月間，烏啼狐鳴，輒使人毛骨寒聳！抵暮則行人絕跡！公，夷然安居之。）時有瀏陽劉伯遠、劉仲邁昆季皆蕙業文人，精研內典有年，相率訪公，公剖析毫芒機鋒捷銳，有時懷疑未吐者，公輒先登其端，陳義之高迥出常想，二劉倒地拜謝曰：「經中所云：『他心通』者抑如是乎？」公笑曰：「巧合耳。」從此名聞益振，皈依者數以萬記民國十四年，蒙古白喇嘛（雍和宮住持）入湘傳密宗法，一時名人貴客望塵膜拜，白，泰然受之，並不稍假辭色，一日，白忽乘輿至小茅蓬禮公三拜，左右相顧失色！皇然不知所措！白諭之曰：「此禪師果位中之阿羅漢也，安敢不下拜呢！」公，戒德精嚴，冬、夏一衲，不飾綉緞，不乘車輿，貴賤一目，折、攝、棒（香板）、喝隨機便宜，平等接納！常先揭破學人之心思。客至，不款茶，不設座，不作世俗寒暄，長年一龕，晏坐寂然，龕傍列石十餘方，瞻禮叩問者頤使坐而已，公，開辦佛教正信會，創設佛經流通處有年，廣作法施，普攝人天，迄今猶利賴之。

入，謂寶生和尚在門外三拜而去！一日命徒海煊將鉢來，公往池邊取水，鉢水內有靈鱖一條，長三寸許，公與飯依說法畢送入大河流去，當時水長三尺！徒問其故？曰：「孽龍也。」一日，瀏北喻兆元造庵請益，心懷恐怖，公，見面三香板，兆元當時不特恐怖全消，且回憶誤殺之事向公與衆發露懺悔！公，授其三皈五戒賜名海元，自後永不復任，專參未生前本來面目，據其自言：「七年之久得破本參，心無妄念，狂心既休得見當人。」其後在瀏陽大宏禪宗。公，民十五年丙寅二月間，領導居士數十人朝普陀、九華山已，回至漢口公忽失蹤！憲鄉陳其武好訟心勇，未讀書，人稱爲瞎眼光棍，因犯匪案嫌疑禁於省獄，不日斃命！公念其祖父飯依故自漢口速回，至監獄前與衆說法畢，同念觀世音菩薩聖號，交涉兩天，共十三人一同保出，隨公同至小茅蓬蒙授三皈五戒，居數日散去，基武法名海基發願出家旋受具足戒，後住瀉山，親朋謝絕精進參究本來面目。有一天公忽勿見未知所往，至第三日從嶽麓回來，問之不答，逾數日麓山寺僧某詣庵請益，謂公於寺後古殘塔上坐了三天。又逾數月，一日忽大雨滂沱，衆見有龍出塔入河，水長數尺！後來公與四衆說法時談及麓山毒龍皈依事，龍遂善出救命數千。

一日明人高士詣庵請益者衆，陶廣南（海光）問：「參禪悟道得無生定，是否無生法忍？」公曰：「無生即無心，無妄即真，不亂即定。心中無物，識心盡謝故曰無心。謝絕有心，分別、散動，名無心定。無生即涅槃真理，既無生有何滅，無生理智破生滅煩惱，一切諸法悉皆空寂，故曰無生。諸法本自不生，是故不滅。即生滅亦無生滅，無生滅不礙生滅也。無生法者，遠離生滅的實相理體，真智安住不動，謂之無生法忍，微細諸法不可得也。明公平生靈異事跡及法語甚多，以非盡人所知者故不具述。

公，生於清道光廿年，庚子三月初八日亥時。寂於民國十七年戊辰十一月初四日丑時。臨入滅時口頌曰：「碧影沈沈翠，寒潭歲月深，波光眼前照，透個本來人。諸位，認識本來人麼？噢！靈光獨耀，迴脫塵根！」說畢冥目坐逝。世壽八十有八，僧臘五十二，次年正月茶毘後獲五色舍利數百顆，當時在場之四衆弟子每人分給一顆以供養之，剩百餘顆，弟子海鵬、海光、海元等於庵側建塔藏之，長期供養。此後每年到了冬月初四日晚子時全塔放光，燭天似晝，數小時久始隱，自後每歲是夜預先觀衆擁擠，必至光隱時始去，近年以來未聞有此事也。靈骨葬於南嶽老塔埧，傳聞，每年是夕骨塔亦白光燭天，從無間斷，山居遠隱者亦未嘗重心注意。讀曰：「獨闢大方，棒喝弓張，三身一月，折攝登堂，本自無門，法寶家藏，靈光獨耀，萬古芬芳」。弟子海煊等述略。